



Broj: 02-14-523-4/19

Fojnica: 17.06.2019. godine

Na osnovu člana 64. stav 1. tačka b. i člana 70. stav 1., 2. i 3. Zakona o javnim nabavkama („Službeni glasnik BiH“, broj: 39/14), člana 39. Statuta Općine Fojnica – prečišćeni tekst („Službene novine Općine Fojnica“, broj: 2/15) a u vezi preporuke Komisije za provođenje postupaka javne nabavke roba, usluga i radova u 2019. godini, broj: 02-14-523-3/19 od 13.06.2019. godine, Općinski načelnik donosi

ODLUKU **o izboru najpovoljnijeg ponuđača**

Član 1.

Dodjeljuje se Ugovor za javnu nabavku robe - bukovog ili grabovog ogrjevnog drveta putem konkurentskog zahtjeva za dostavu ponuda, ponuđaču Šumskoprivrednom društvu Srednjobosanske šume d.o.o. Donji Vakuf, kao najbolje ocijenjenom ponuđaču, na osnovu kriterija najniža cijena, sa ponuđenom cijenom od 17.400,83 KM, sa uračunatim PDV-om.

Član 2.

Prijedlog ugovora o nabavci dostavit će se na potpis izabranom ponuđaču Šumskoprivrednom društvu Srednjobosanske šume d.o.o. Donji Vakuf, po protoku roka od 15 dana od dana kada su svi ponuđači obaviješteni o izboru najpovoljnije ponude.

Član 3.

Za realizaciju ove Odluke zadužuje se Služba za privredu, budžet i finansije i Služba za opću upravu, društvene djelatnosti i stambeno komunalne poslove, svaka iz svoje nadležnosti.

Član 4.

Ova Odluka stupa na snagu danom donošenja i bit će objavljena na web-stranici Općine Fojnica, te istovremeno upućena ponuđačima koji su učestvovali u postupku javne nabavke, shodno Zakonu o javnim nabavkama BiH.

Obrazloženje

Postupak javne nabavke robe - bukovog ili grabovog ogrjevnog drveta – proveden je putem konkurentskog zahtjeva za dostavu ponuda, broj: 02-14-523/19 od 27.05.2019. godine.

Procijenjena vrijednost javne nabavke bez PDV-a je 15. 000,00 KM.

Konkurentski zahtjev za nabavku robe – bukovog ili grabovog ogrjevnog drveta, sa tenderskom dokumentacijom, objavljen je na portalu Javnih nabavki i u sistemu E-nabavke, broj: 546-7-1-20-3-11/19 od dana 28.05.2019. godine.

Komisija za provođenje postupka javne nabavke, robe – bukovog ili grabovog ogrjevnog drveta, imenovana Rješenjem načelnika Općine broj: 02-34-2997/18 od 27.12.2018. godine.

je dostavila načelniku Općine Zapisnik broj: 02-14-523-3/19 od 13.06.2019. godine, o pregledu i ocjeni ponude sa preporukom o izboru najboljeg ponuđača za nabavku robe - bukovog ili grabovog ogrjevnog drveta.

U zapisniku je navedeno da su do krajnjeg roka za dostavu ponude 12.06.2019. godine na adresu ugovornog organa zaprimljene dvije ponude i to ponuđača:

1. Tovarište d.o.o. Fojnica, u iznosu od 14.700,00 KM bez PDV-a i
2. Šumskoprivredno društvo Srednjobosanske šume d.o.o. Donji Vakuf u iznosu od 14.872,25 KM, bez PDV-a.

Komisija izvršila provjeru da li ponuđači u predmetnom postupku javne nabavke roba - „bukovog ili grabovog ogrjevnog drveta“ ispunjavaju uslove za kvalifikaciju tražene tačkom 3. „USLOVI ZA KVALIFIKACIJU PONUĐAČA“ tenderske dokumentacije.

Zapisnički je konstatovano da ponuda ponuđač „Tovarište“ d.o.o. Fojnica nije prihvatljiva iz razloga što isti nije dostavio sve dokaze u smislu kako je traženo Tenderskom dokumentacijom.

Ponuđač je dostavio kao dokaz o pravu na obavljanje profesionalne djelatnosti, aktuelni Izvod iz sudskog registra, na kojem je datum izdavanja 08.02.2019. godine.

Međutim tačkom 3.1. b) Tenderske dokumentacije definirano:

„Da bi učestvovao u proceduri javne nabavke ponuđač mora dokazati sljedeće:

b) Pravo ponuđača na obavljanje profesionalne djelatnosti koja je u vezi sa predmetom nabavke, u skladu sa članom 46. Zakona.“

Dalje je tačkom 3.2. Tenderske dokumentacije definirano:

„Ponuđači trebaju uz ponudu dostaviti dokumentaciju kojom potvrđuju da ispunjavaju uslove tražene tačkom 3.1. pod b) konkurentskog zahtjeva za dostavljanje ponuda i to:

-U svrhu dokazivanja prava na obavljanje profesionalne djelatnosti, u skladu sa članom 46. Zakona, ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registrovan kojim dokazuje njegovo pravo da obavlja profesionalnu djelatnost, koja je u vezi sa predmetom nabavke (Dokaz: Aktuelni izvod iz sudskog registra (ne stariji od tri mjeseca od dana izdavanja) ili drugu potvrdu nadležnog organa kojom dokazuje njihovo pravo da obavlja profesionalnu djelatnost). Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti original ili ovjerene kopije.

Komisija je zapisnički konstatovala da je ponuda ponuđača ponudu ponuđača Šumskoprivredno društva Srednjobosanske šume d.o.o. Donji Vakuf, prihvatljiva iz razloga što je isti dostavio sve dokaze u smislu kako je traženo Tenderskom dokumentacijom.

S obzirom da su u predmetnom postupku kod Ugovornog organa zaprimljene 2 ponude, da ponudu ponuđača pod rednim brojem 1. Tovarište d.o.o. Fojnica nije prihvatljiva iz razloga što isti nije dostavio sve dokaze u smislu kako je traženo Tenderskom dokumentacijom i da je ostala smo 1 prihvatljiva ponuda, ponuđača Šumskoprivredno društvo Srednjobosanske šume d.o.o. Donji Vakuf u skladu sa Pravilnikom o uslovima i načinu korištenja E-aukcije, Ugovorni organ nije zakazivao E-aukciju.

Uzimajući u obzir prethodno navedeno obrazloženje Komisija predlaže ugovornom organu da ugovor za nabavku robe, bukovog ili grabovog ogrjevnog drveta dodjeli ponuđaču

Šumskoprivredno društvo Srednjobosanske šume d.o.o. Donji Vakuf koji je ponudio ukupnu cijenu za ugovor u iznosu od 17.400,83 KM sa uračunatim PDV-om.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranog ponuđača, shodno kriteriju iz Tenderske dokumentacije.

U postupku ocjene provedenog postupka, načelnik Općine nije našao nepravilnosti ili propuste u radu, koji bi mogli biti razlog za neprihvatanje preporuke Komisije za provođenje postupaka javnih nabavki.

Naime, utvrđeno je da je izbor najpovoljnijeg ponuđača izvršen sukladno Zakonu o javnim nabavkama i Tenderskoj dokumentaciji.

Imajući u vidu prednje navedeno primjenom člana 64. stav 1. tačka b. Zakona o javnim nabavkama odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke dozvoljena je žalba u pisanoj formi na način i u roku propisanom članom 99. i 201. Zakona o javnim nabavkama.

Žalba se izjavljuje Uredu za razmatranje žalbi, putem Općine Fojnica, kao prvostepenog organa.

Dostavljeno:

- Ponuđaču, Šumskoprivrednom društvu Srednjobosanske šume d.o.o. Donji Vakuf
- Ponuđaču „Tovarište“ d.o.o. Fojnica
- Služba za privredu, finansije i budžet
- Služba za opću upravu, društvene djelatnosti i stambeno komunalne poslove
- Evidencija
- A/a



OPĆINSKI NAČELNIK

Sabahudin Klisura, dipl. ing.